

續

通

志

金宗室傳

第六冊

編修臣翟槐
檢討臣彭元琬
恭校

編修臣陸伯煨
檢討臣彭元琬
恭校

續通志

宗室傳

遼

按遼自太祖以下諸帝之子
列於遼史宗室傳者僅止數
人今據皇子表增輯其實
有未備者并採本紀及皇族
表補之其他無可補者亦從
畧焉謹加案聲明

臣等謹案遼世朝官半皆耶律史列宗室傳者寥
寥數人蓋斷自太祖以下諸帝之親子兄弟也然
考皇子表若雅斯哈天德諸人功罪畧可表見豈
容盡佚今據表綴輯有未備者并採本紀及皇族
表補之其他無事跡可著則畧而仍以太祖子孫
為斷云

太祖子倍

子隆先

道隱

魯呼子喜隱

太宗子雅斯哈

天德

迪里

必舒

世宗子扎木

景宗子隆慶

隆祐

聖宗子布古德

興宗子和囉噶子淳

道宗子濬

天祚子額嚕溫

雅里

倍。小字托雲。太祖長子。母淳欽皇后。倍自幼聰敏好學。

外寬內摯。神冊元年。立為皇太子。太祖問侍臣曰。受命之君。當事天敬神。有大功德者。朕欲祀之。何先。皆以佛對。倍曰。孔子大聖。萬世所尊。宜先。太祖大悅。即建孔子廟。詔皇太子春秋釋奠。從征烏爾古党項。為先鋒都統。及經畧燕地。太祖西征。留守京師。因陳取渤海計。天顯元年。從征。拔扶餘城。帝欲括戶口。諫曰。今始得地。而料民。民必不安。若乘破竹之勢。徑造輝罕城。克之必矣。太祖從之。倍與大元帥德光為前鋒。夜圍輝罕城。大譟。譟降。復叛。太祖破之。改其國曰東丹。以倍為人皇王。主之。仍賜

天子冠服。建元甘露。稱制置左右大次四相及百官。一用漢法。歲貢布十五萬端。馬千匹。諭之曰。此地瀕海。非可久居。留汝撫治。以見朕愛民之心。駕將還。倍作歌以獻。陛辭。號泣而出。遂如儀坤州。未幾。諸部多叛。大元帥討平之。太祖訃至。奔赴山陵。知皇太后意欲立德光。乃與羣臣請於太后而讓位焉。太宗既立。見疑。以東平為南京。徙倍居之。盡遷其民。又置衛士。陰伺動靜。倍既歸國。起書樓於西宮。作樂田園之詩。唐明宗聞之。遣人跨海持書。密召倍。倍因改海上。使再至。倍謂左右曰。我以

天下讓主上。今反見疑。不如適他國。以成吳太伯之名。立木海上。刻詩曰。小山壓大山。大山全無力。羞見故鄉人。從此投外國。攜高美人。載書浮海而去。唐乃以天子

儀衛迎倍。至汴。明宗以莊宗後宮

按遼史本傳作莊宗後考五代會要夏氏

實莊宗昭容封號國夫人非后也契丹國志書作後宮較為得實謹據改

夏氏妻之。賜姓東

丹。名之曰慕華。拜懷化軍節度使。瑞慎等州觀察使。復賜姓李。名贊華。移鎮滑州。遙領虔州節度使。倍雖在異國。常思其親。問安之使不絕。後從珂弒其君自立。倍密報太宗。請討。及加兵於洛。從珂欲自焚。召倍與俱。倍不從。

按本傳於夏氏誤稱莊宗后與五代會要所載異今據契丹國志改稱後宮謹加案聲明

按宏簡錄載柔貞后實生世宗天祿初曾加尊號史傳未詳謹加案聲明

遣壯士李彥紳害之。時年三十八。敬瑭入洛。喪服臨哭。以王禮權厝。後太宗改葬於醫巫閭山。謚曰文武元皇王。世宗即位。謚讓國皇帝。陵曰顯陵。統和中。更謚文獻。重熙二十年。增謚文獻欽義皇帝。廟號義宗。及謚二后曰端順曰柔貞。按柔貞后實生世宗。天祿初。加尊皇太后。察克反。同遇弒。倍初市書至萬卷。藏于醫巫閭絕頂之望海堂。通陰陽。知音律。精醫藥。砭烙之術。工遼漢文章。善畫。性刻急。好殺婢妾。微過常加剗灼。夏氏懼而求削髮為尼。五子長世宗。次隆科。見逆臣傳。舒封吳王。隆先。道隱。附傳。

隆先。字團隱。母大氏。景宗即位。封平王。未幾。兼政事令。留守東京。薄賦稅。省刑獄。恤鰥寡。數薦賢能之士。後與統軍耶律實魯同討高麗。有功。還薨。葬醫巫閭山。道隱。谷。隆先。聰明博學。能詩。有閭苑集。行於世。保寧之季。其子辰格與渤海官屬謀殺其父。舉兵作亂。帝命輾裂於市。

道隱。字留隱。母高氏。道隱生於唐。人皇王遭害時。年尚幼。洛陽僧匿之。因名道隱。太宗滅唐還京。賜外羅山地。居焉。性沉靜。有文武才。時人稱之。景宗即位。封蜀王。為上

京留守。乾亨元年。遷守南京。號令嚴肅。民獲安業。徙封荆王。統和初薨。追封晉王。

魯呼。一名鴻觀。字奚隱。太祖第三子。母淳欽皇后。魯呼少勇悍多力。而性殘酷。太祖嘗觀諸子寢。魯呼縮項卧内。曰。是必在諸子下。又嘗大寒。命三子採薪。太宗不擇而取。最先至。人皇王取其乾者。束而歸。後至。魯呼取少而棄多。太祖曰。長巧而次成。少不及矣。而母篤愛魯呼。天顯五年。遣徇地代北。攻寰州。多俘而還。遂立為皇太子。按太宗紀冊為壽昌皇太子。與此互異。兼天下兵馬大元帥。太宗親征。留

按太宗紀載冊魯呼為壽昌皇太子與此互異謹加案聲明

守京師。世宗即位。鎮陽。太后遣魯呼將兵擊之。至泰德泉。為安圖瑠格所敗。耶律烏哲入諫。太后。魯呼在側。作色曰。我在。烏雲安得立。烏哲曰。奈公酷暴失人心。何。太后顧曰。昔我與太祖愛汝。異於諸子。諺云。偏憐之子不保業。難得之婦不主家。我非不欲立汝。汝自不能矣。和約既定。趨上京。會有告魯呼與太后謀廢立者。徙魯呼祖州。禁其出入。穆宗時。其子喜隱謀反。辭連魯呼。囚之。死獄中。年五十。葬玉峯山西谷。統和中。追謚欽順皇帝。重熙二十一年。更謚章肅。后曰和敬。二子。喜隱附傳。完封

衛王。

喜隱字完德。雄偉善騎射。封趙王。應歷中。謀反。事覺。以親釋之。未幾。復反。下獄。景宗即位。聞有赦。自去其械。而朝。帝怒。誅守者。復置於獄。保寧改元。乃宥之。妻以皇后之姊。復爵王。宋喜隱輕僇無恒。小得志即驕。帝嘗召之。不時至。怒而鞭之。由是憤怨。謀亂。敗而復召。適見帝與劉繼元書。辭意卑遜。諫曰。本朝於漢為祖。書旨如此。恐虧國體。帝尋改之。授西南面招討使。命之河東。索吐蕃戶。稍見進用。復誘羣小謀叛。帝命械其手足。築園土。囚祖。

州。宋降卒二百餘人。欲劫立喜隱。以城堅不得入。立其子留禮壽。上京留守楚實勒擒之。留禮壽伏誅。賜喜隱死。

雅斯哈。太宗第二子。穆宗同母弟也。會同初。封太平王。世宗立。詔許與晉主往還。以昆弟禮。穆宗委以國政。應歷三年。與魯呼子完謀亂。令司天魏璘卜日。事覺。貶西北邊戍。景宗即位。亡入沙陀。召還。釋其罪。封齊王。保寧

四年薨。贈皇太叔。謚欽靖。

按雅斯哈。遼史無傳。今據皇子表。及本紀增輯。

天德。字必繼。太宗第三子。母宮人蕭氏。强悍。趨捷。人望

按天德遼史無傳今為增輯
謹加案聲明

而畏之太宗討石重貴至望都晉將杜重威率兵十萬先據河梁帝募能斷糧道者天德請以五千騎行從間道擊走衛送之軍火其輜重重威窮蹙乃降會同三年與邺用和使晉世宗即位遣天德護太宗梓宮赴上京太后遣魯呼拒世宗遇於泰德泉戰甚力敗之太后不悅後不復用天祿二年與蕭翰瑠格等謀反繫獄伏誅按天德遼史無傳今據皇子表及本紀增輯

迪里字博斯濟太宗第四子與天德必舒皆同母多力善射應歷八年與宣徽使耶律哈斯謀反釋之保寧初封

按迪里遼史無傳今為增輯
謹加案聲明

冀王宋人侵漢與南府宰相耶律刷往援却敵而還乾亨元年復與宋人戰於白馬嶺先鋒渡澗未半宋軍迎擊師潰沒於陣子幹格并死焉按迪里遼史無傳今據皇子表及本紀增輯

按必舒封越王皇子表誤載於穆宗時今依景宗紀改輯
謹加案聲明

必舒太宗第五子穆宗時族人和特及蕭卓琳有罪欲亡必舒密以聞帝以為忠常命侍從帝輕殺左右會又欲誅監鹿官必舒諫而免保寧初封越王按皇子表作穆宗時封考穆宗

按必舒遼史無傳今為增輯
謹加案聲明

紀不載景宗紀保寧元年實始封越王今據改討党項有功後以疾薨按必舒遼史無傳今據皇子表增輯

扎木字呼喇濟世宗第三子妃甄氏生敏給好學通契

按扎木遼史無傳今為增輯
謹加案聲明

丹漢字。能詩。常與宮人私通。穆宗怒。榜掠繫獄。景宗立。釋之。復封寧王。保寧八年。妻造蠱毒。奪爵。貶烏爾古部。賦放鶴詩。徵還。統和初。皇太后稱制。命賦芍藥詩。詔復舊爵。按扎木遼史無傳。今據皇子表增輯。隆慶字燕隱。小字普賢努。景宗第二子。與隆祐皆聖宗同母弟。八歲封恒王。兼侍中。統和中。拜南京留守。徙梁王。十七年。南征。為先鋒。至瀛州。遇宋將范廷名列陣以待。隆慶遣蕭柳擊敗之。十九年。復敗宋人於行唐。開泰初。加守太師。兼政事令。更封晉國王。尋拜大元帥。南京

按隆慶遼史無傳今為增輯
謹加案聲明

留守。賜金券。進封秦晉國王。五年。入覲。帝親出迎勞。因同獵於松山。還至北安州。薨。追贈皇太弟。子扎喀魏國王。蘇克。幽王。釋嘉努。陳王。埒富。遼西郡王。蘇色。漆水郡王。按隆慶遼史無傳。今據皇子表及皇族表增輯。隆祐。按通考作隆裕。小字果勒齊。一字和多沁。景宗第三子。乾亨初。封鄭王。統和中。伐宋。留守京師。二十一年。拜西南面招討使。徙王。吳。及征高麗。復為留守。權知北院樞密使事。出守東京。更王楚。明年南征。復為留守。開泰初。改王齊。薨。贈太師。謚仁孝。重熙間。改謚孝靖。子呼圖克。封

按隆祐遼史無傳今為增輯
謹加案聲明

周王臨海軍節度使塔卜陳王西京留守後為重元所脅

削爵流鎮州。按隆祐遼史無傳今據皇子表及皇族表增輯。

布古德字薩蘭聖宗第三子明敏善射太平七年遙領

彰信軍節度使為王子郎君班詳袞重熙中累遷契丹

行宮都部署封柳城郡王討夏國督戰有功軍還薨。按布

古德遼史無傳今據皇子表增輯。

和囉嚙字阿尼雅興宗第二子與阿林皆道宗同母弟重

熙十七年封越王清寧初徙魯王拜上京留守改南京加

宋魏國王乾統初以為天下兵馬大元帥加守太師免拜

不名三年冊為皇太叔加號曰義和仁壽六年兼特哩

袞復守南京重元亂夜赴戰初天祚立未幾詔弛圍場

之禁和囉嚙奏曰天子以巡狩為大事雖居諒陰不可

廢也帝於是復命有司促備春水之行十年從獵慶州

薨弟阿林初封許王徙陳王出為遼興軍節度使加秦

越國王歷西京北京留守薨追封秦魏國王謚欽正和

囉嚙三子實篤漆水郡王次遠匡義節度次淳稱帝。按和

囉嚙遼史無傳今據皇子表及本紀增輯。

淳小字聶呼自幼太后鞠育之既長好文學昭懷太子

按和囉嚙遼史無傳今為增
輯謹加案聲明

按布古德遼史無傳今為增
輯謹加案聲明

廢。后欲立為嗣。帝怒耶律拜薩巴。知與淳善。出淳為
彰聖軍節度使。天祚即位。封鄭王。乾統二年。加越王。
六年。拜南府宰相。首議制兩府禮儀。徙魏王。其父和
囉嚙薨。襲守南京。天慶五年。東征。都監章努濟鴨子
河。與淳子阿薩爾等三百餘人亡歸。先遣迪里等。以
廢立之謀報淳。淳斬迪里首以獻。進封秦晉國王。拜
都元帥。賜金券。許自擇將士。乃募燕雲精兵。東至錦
州。隊長武朝彥作亂。劫淳。淳匿而免。收朝彥誅之。會
金兵至。聚兵戰於阿喇扎圖。敗績。復收散卒拒之。保

大二年。天祚入夾山。奚王和勒博林牙耶律達實等。引
唐靈武故事。議立淳。遂即位。百官上號天錫皇帝。改保大
二年為建福元年。大赦。放進士李寶信等一十九人。遙
降天祚為湘陰王。以燕雲平。上京。中京。遼西。六路淳主
之。沙漠以北。南北路兩都招討府。諸蕃部族等。仍隸天祚。
自此遼國分矣。封其妻普賢女為德妃。以和勒博知
北院樞密使事。軍旅之事。悉委達實。又遣使報宋。免歲
幣。結好。宋人發兵問罪。擊敗之。尋遣使奉表於金。乞為
附庸。事未決。淳病死。年六十。百官偽謚曰孝章皇帝。廟

按淳稱帝事實遼史附於天
祚紀末於義例未安今改入
宗室傳謹加案聲明

號宣宗。葬燕西香山永安陵。遺命遙立秦王定。以存社稷。
德妃為皇太后稱制。改建福為德興元年。時宋兵來攻。李處溫
父子懼禍。欲挾德妃納土於宋。復欲北通於金。以擁立大功。
自陳。德妃罵曰。誤秦晉國王者。皆汝父子。何功之有。悉數其
過惡數十。賜死。金兵入居庸關。德妃奔天德軍。天祚誅之。降
淳庶人。除其屬籍。按淳。遼史附天祚紀末。於
義例未安。今改歸宗室傳。
濬。小字伊囉斡。道宗長子。母宣懿皇后蕭氏。幼而能言。好學
知書。道宗嘗曰。此子聰慧。殆天授。六歲封梁王。明年從帝獵。
遇十鹿。射獲其九。帝喜。設宴。八歲立為皇太子。太康元年。兼

領北南樞密院事。及母后被害。太子有憂色。耶律伊蘇
為北院樞密使。不自安。副點檢蕭實沙謂伊蘇曰。臣民心
屬太子。一日若立。吾輩措身何地。迺謀構陷太子。陰令
護衛太保耶律扎拉誣告都宮使耶律薩喇。知院耶律
蘇色護衛蕭和克。謀廢立。詔案無迹。不治。伊蘇復令牌
印郎君蕭額都溫等言。扎拉前告非妄。臣實與謀。若不
言。恐事發。連坐。帝信之。幽太子於別室。以耶律雅克鞫案。
太子具陳枉狀。曰。吾為儲副。尚何所求。公當為我辨之。
雅克乃伊蘇黨。易其言為款伏。帝大怒。廢太子為庶人。

將出曰我何罪至是實沙叱登車遣衛士闔其扉從於上京囚園堵中伊蘇尋遣達嚕噶薩巴往害之太子年方二十上京留守蕭達德紹以疾薨聞帝哀之命有司葬龍門山欲召其妃伊蘇陰遣人殺之後知其寃謚曰昭懷太子以天子禮改葬玉峯山乾統初追尊大孝順聖皇帝廟號順宗妃蕭氏貞順皇后一子延禧即天祚皇帝

額嚕溫天祚皇帝長子母文妃蕭氏甫髻亂馳馬善射出為大丞相耶律隆運後封晉王樂道人善而於人不

能時宮中見讀書者輒斥去額嚕溫嘗入寢殿見實達爾札拉閱書因取觀會諸王至陰袖而歸之曰勿令他人見也一時號稱長者及長積有人望內外歸心保大元年南軍都統耶律伊都與其母文妃密謀立之事覺伊都降金文妃伏誅額嚕溫不與謀免二年耶律薩巴等復謀立不克帝知額嚕溫得人心不忍加誅令縊殺之按史天祚本紀保大元年文妃之誅實出於蕭奉先之誣二年伊都引金兵至奉先復譖之遂賜額嚕溫死文妃及伊都各傳並同獨此傳乃謂文妃及薩巴等真有謀立之事恐失其實謹附識或勸之亡額嚕溫曰安忍為叢爾之軀而失臣子之大節就死聞者

按文妃被誅額嚕溫賜死皆由蕭奉先之譖遼史本紀及文妃伊都各傳並同此謂文妃及薩巴等真有謀立之事恐失其實謹加案聲明

傷之。

雅里。天祚皇帝次子。字薩蘭。七歲封梁王。欲立為皇太子。別置禁衛。保大三年。金師圍青塚。雅里在軍中。太保特默格挾之出走。間道至陰山。聞天祚趨雲內。趨赴行在。時扈從者千餘人。多於天祚。天祚慮特默格生變。欲誅之。責以不能全救諸王。仗劍召雅里。問曰。特默格教汝何為。雅里對曰。無他言。迺釋之。天祚渡河奔夏。隊帥耶律迪里劫雅里北走。至沙嶺。見蛇橫道而過。識者以為不祥。後三日。羣僚共立雅里為主。遂即位。改元神曆。雅

里性寬大。惡誅殺。獲亡者。笞之而已。有自歸者。即官之。因謂左右欲附來歸。不附則去。何須威逼。每取唐貞觀政要。及林牙資忠所作治國詩。令侍從讀之。烏爾古節度使吉勒展。迪里部都統托卜嘉。都監圖魯卜。各率衆來附。自是諸部繼至。而雅里日漸荒怠。好擊鞠。特默格切諫。乃不復出。以耶律迪里為樞密使。特默格副之。從行人有疲困者。輒振給之。直長保德諫曰。今國家空虛。賜賚若此。將何以給。雅里怒曰。若無諸部。我將何取。不納。初。令羣牧運鹽。滌倉粟。而民盜之。議籍以償。雅里乃

按雅里事實遼史附於天祚
紀末今改入宗室傳謹加案
聲明

自為直。每粟一車償一羊。三車一牛。五車一馬。八車一
駝。左右曰。今一羊易粟二斗。且不可得。乃償一車。雅里
曰。民有則我有。若令盡償。民何堪。後獵扎拉山。一日而
射黃羊四十。狼二十一。因致疾卒。年三十。按雅里遼史
附天祚紀末
今改歸宗
室傳謹識。

卷二百九十三

續通志

宗室傳

金三

珠嚕 呼實哈 宗賢 達蘭 卞

膏 奕 愛實 烏楞古

尼楚赫 子古雲 弟瑪奇 巴爾斯

托克索 實圖美 承裕 額爾克 二

薩哈連 哈昭 羅索 三

珠嚕。宗室子。從鄭王烏色敗高麗於海蘭。取雅魯城。克

寧江州。收黃龍府。珠赫店。達嚕噶城。呼岱巴岡。諸役皆力戰有功。東京降。為本路招安副使。敗遼兵。破通古營。蘇州漢民叛走。珠嚕追復之。以功為穆昆。天輔四年卒。年四十一。皇統中。贈鎮國上將軍。

呼實哈。宗室子。從太祖攻寧江。敗遼兵于達嚕噶城。破遼主親兵。皆有功。遼軍來援濟州。呼實哈與其兄實古納以兵迎擊。敗之。還中流矢。戰益力。克其城。遼主西走。呼實哈追至中京。獲其宮人輜重。凡八百兩。德州復叛。呼實哈以兵五千克其城。從羅索擊敗敵兵於歸化。降

其城。從取居庸關。并燕之屬縣。及其山谷諸屯。伊實部連戰敗之。俘獲甚衆。澤州諸部有逃者。皆追復之。又敗叛人於臨潢。誅其酋領。而安撫其人民。天眷二年。遷永定軍節度使。改武定軍。徙汴京留守。天德三年。授世襲明安。卒。

宗賢。本名阿嚕。太祖伐遼。從攻寧江州。臨潢府。太宗監國。選侍左右。甚見親信。臨潢復叛。從宗望復取之。遷歸德軍節度使。政寬簡。境內大治。秩滿。士民相率詣朝廷請留。及改武定軍。百姓扶老攜幼。送數十里。悲號而去。

改永定軍。秉德廉訪官吏。士民前拜言曰。使君廉明清直。民實賴之。用是超遷兩階。天德初。授世襲穆昆。馳驛召之。雄州父老相率張青繩懸明鏡於公署。老幼填門。三日乃得去。封定國公。再除忠順軍節度使。賜以玉帶。捕盜司執數人至府。宗賢閱其案。謂僚佐曰。吾察此輩必寃。不數日得賊人服其明。改海蘭路兵馬都總管。歷遷宗義軍節度使。兼領北京宗室事。大定初。遣使召之。宗賢率諸宗室見於遼陽。除同簽。大宗正事。封景國公。致仕。起為博索路兵馬都總管。復致仕。卒。

達蘭。宗室子。年十六。事太祖。未嘗去左右。珠赫店之役。挺槍手殺七人。已而槍折。騎士曳而下者九人。太祖壯之曰。誠得此輩數十。雖萬衆不能當也。及戰於達嚕噶城。遼兵陣於營外。太祖遣往擊之。達蘭衝出敵陣。大敗其衆。攻臨潢府。春。泰州中西二京皆有功。天輔六年。授穆昆。天會四年。從伐宋。屢以功受賞。明年。再舉至汴。宗望聞宋人會諸路援兵於睢陽。遣達蘭與阿里庫將兵二千往拒之。敗其前鋒軍三萬於杞縣。又破三寨。擒宋將胡直孺等三人。并直孺二子。遂取拱州。降寧陵。復破

宋兵於睢陽。進取亳州。聞宋兵十萬且至。會宗望益兵四千合擊。大敗之。擒其將石瑱而還。帥府嘉其功。賞賚優渥。睿宗駐兵熙州。分遣諸將畧地。達蘭以軍五百入六盤山十六寨。降其官民。獲馬二千匹。皇統中。累加銀青光祿大夫。天德初。加特進。授世襲明安卒。

卞。本名鄂摩。上京司屬司人。大定二年。收充護衛。積勞授彰化軍節度副使。入為都水監丞。累遷中都西京路提刑使。徙知歸德府河平軍節度使。以導河有勞。除北京留守。未幾。改知大興府事。時有言瓜爾佳衡在軍不法。

事下大興府。卞輒令追攝。帝以為失體。杖四十。久之。以剛正疾惡。拜御史大夫。劾奏孫鐸。鐸坐降黜。以金吾衛上將軍致仕。卒。

膏。本名額哩埒。隸上京司屬司。大定十年。以皇家近親。收充東宮護衛。授御院通進。從世宗幸上京。會皇太子守國薨。特命與滕王府長史臺馳驛往護喪。且以膏親密可委。令保護皇孫金源郡王。駕還。遷符寶郎。除吏部郎中。章宗即位。坐與唐古貢為壽。犯夜禁。奪官一階。罷。明昌元年。起為同知棗州防禦使事。復坐譏訛宰輔。杖

罷之。明年降授同知宣德州事。召授武衛軍副都指揮使。四遷知大興府事。轉左右宣徽使。承安二年。拜尚書右丞。出為泰定軍節度使。移知濟南府。卒。

奕。本名三寶。隸默音賽音司屬司。大定七年。以近親充東宮護衛。轉為尚廩局使。章宗即位。遷左衛副將軍。右副都點檢。兼提點尚廩局使。無過人才。第以久次。遷授未幾。坐廩馬瘦。決三十。承安二年。改左司都點檢。兼職如舊。俄授同簽大睦親府事。卒。奕為人貪鄙。數以贓敗。帝愛其能治圍場。故進而委信之。

愛實。宗室子。性廉能。好學問。襲父北京路苦栢山明安聽訟。明決。人信而愛之。提刑司上其治狀。除彰國軍節度副使。改上京留守判官。以治狀累遷。海。邳。二州刺史。皆兼總押軍馬。宋統領劉文謙以兵犯宿遷。迎擊破之。復破戚春夏興國。舟兵萬餘人。斬夏興國於陣。遷鎮國上將軍。為赫舍哩執中前鋒。渡淮。破寶應。天長。二縣。師還。遷同知歸德府事。改泗州防禦使。大安二年。改華州防禦使。遷鎮南軍節度使。累遷河南統軍使。兼昌武軍節度使。卒。

烏楞古貝勒。宗室子也。太祖伐遼。使烏楞古。阿魯撫諭
斡琿集。賽兩路。係遼女真。與遼節度使托卜嘉戰。敗之。
斬托卜嘉。古納嶺烏爾圖罕等十四。達哈藩。及斡琿集。
賽兩路皆降。復敗遼都統錫埒于咸州西。斬之。與羅索
克咸州。圖們呼圖以所部降。鄰部戶七千亦來歸。遂與
遼將赫伯戰。破其軍數萬人。太祖嘉之。以為咸州軍帥。
佐斡魯伐高永昌。遼秦晉國王耶律聶呼來伐。都古爾
訥。羅索。博勒和等將二萬衆。合烏楞古咸州兵往擊之。
呼圖克叛入于遼。居東京南。永昌據東京。太祖索之。以

歸。烏楞古伐永昌。以便宜署呼圖克為千戶。蘇都哩鄂
勒博皆無功。亦以便宜除官。及以便宜解權。穆昆哈布
爾。黃格。達希布等職。皆非其罪。太祖聞之。盡復哈布爾
等。穆昆。呼圖克等皆罷去。時烏楞古軍中闕馬。官馬多
匿私家。命檢括之。耶律聶呼佛德遺烏楞古書請和。烏
楞古以聶呼書并所答書來上。且請曰。復有書問。宜如
何報之。詔曰。若彼再來請和。汝當答以必歸。我行人薩
喇及送叛臣阿蘇等。則和好之議。方敢奏聞。仍恐議和
非實。無失備禦。耶律聶呼軍蒞藜山。烏楞古以兵一萬

戍東京。太祖使都古爾訥羅索復以兵一萬益之。詔將士拒命者討之。服者撫安之。毋肆殺戮。因命傳詔聶呼曰。汝等誠欲請和。當廢黜昏主。擇立賢者。副朕弔伐之意。然後可議和約。不然。當盡并爾國。其審圖之。聶呼復書烏楞古。求還降人赫伯。則送阿蘇等。帝以赫伯等乃交兵之後來降。與阿蘇平日以罪亡去者異。復詔聶呼。令此月十三日送阿蘇至顯州。各遣重臣議疆場事。烏楞古等攻顯州。知東京事完顏鄂倫以兵來會。即渡遼水。薄顯州。郭藥師乘夜來襲。鄂倫擊走之。烏楞古等大

敗聶呼等於蒺藜山。追至額勒津陂。獲佛德家屬。進攻顯州城。軍士實都先登。燒其佛寺。煙焰撲人。守陴者不能立。諸軍乘之。遂拔顯州。於是乾懿豪徽成川惠等州皆降。乾州後為閭陽縣。遼諸陵多在此。禁無所犯。徙成川州人于同銀二州居之。聶呼再以書來請和。承前詔以阿蘇為言答之。駐軍顯州以聽命。賜烏楞古等詔曰。遼主未獲。人心易搖。不可恃戰勝而失備禦。烏楞古久在咸州。多立功。亦多自恣。和勒博雙寬等告烏楞古知遼主在中京。而不追襲。咸州糧草豐足。而奏數不以實。

攻顯州。獲生口財畜。多自取。遂以棟摩代為咸州路都統。棟摩亦宗室子也。既治咸州。詔使於新遷顯州降附之民。擇其才可用者。授之穆昆。其豪右誠心歸款者。擬為明安。錄其姓名以聞。饑貧之民。官賑給之。而使棟摩為其副統。云久之。遼通祺雙遼四州之民八百餘家。詣咸州都統降。命分置諸部。擇善地以處之。太祖召烏楞古自問之。烏楞古引伏。詔降為穆昆。天輔六年。討賊於牛心山。道病卒。天眷中。贈特進。天德二年。配享太祖廟庭。大定十五年。謚莊翼。

尼楚赫。宗室子。太祖嗣位。使普嘉努如遼。取阿蘇。事久不決。使實古納。尼楚赫繼往。還言遼主荒于政。上下解體。太祖遂決意伐遼。太祖與耶律鄂爾多戰于達嚕噶城。遼兵二十餘萬。尼楚赫與羅索率眾陷陣。大敗遼軍。遂與羅索戍邊。俱攻黃龍府。太祖拒遼兵。尼楚赫守達嚕噶城。收國二年。分雅達納阿拉所遷穆昆二千戶。以尼楚赫為穆昆。屯寧江州。從都統杲克中京。尼楚赫與實古納。芬徹。哈布爾率兵三千。擊奚王錫默于京西。錫默棄兵。遼主西奔天德。尼楚赫以兵絕其後。遼主遂

按隆州谷原文訛隆川谷今據金宋二史地理志及方輿紀要改謹加案聲明

見獲後從宗翰伐宋攻太原未下宗翰還西京命尼楚赫留兵圍之宋樊夔施誥高豐等軍來救太原分據近部尼楚赫與實實博囉烏蘇大破之种師中出井陘據榆次救太原尼楚赫使鄂倫擊之破其軍和尼斬師中於殺熊嶺進攻宋制置使姚古軍于隆州谷按隆州谷川谷攻金史宋史地理志皆無隆川之名續資治通鑑姚古兵潰於盤陀退保隆德考隆德係府名惟盤陀驛在太原府祁縣似與隆德府相去稍遠又考方輿紀要祁縣有隆州谷關實與盤陀驛較近姚古退守之地應在於此關係明洪武時所建宋時當止以谷稱此處隆川應係隆州之訛謹據改大敗之薩喇圖敗宋軍于回馬口郭企忠殲宋軍于五臺及宗翰定

太原與宗望會兵于汴尼楚赫等攻汴城克之師還尼楚赫降尙嵐寧化等軍攻嵐州拔之招降火山軍與希尹同賜鐵券宗翰趨洛陽尼楚赫取鄧州殺其將李操等宗翰會伐康王尼楚赫守太原天會十年為燕京留守十三年致仕加保大軍節度使同中書門下平章事遷中書令封蜀王天眷三年薨以正隆例贈金源郡王配饗太宗廟庭大定十五年諡武襄改配享太祖廟庭子古雲

古雲本名達蘭幼警敏有志略年十六尼楚赫授以甲

使從伐遼。常為先鋒。授世襲穆昆。尼楚赫圍太原。古雲在行間。及拔太原。下河東諸州。攻汴京。皆有功。與都統瑪武徇地漢上。至上蔡。以先鋒破孔家軍。睿宗攻開州。古雲先登。流矢中其口。睿宗親視之。創未愈。強起之。攻大名府。第功。宗弼第一。古雲次之。攻東平。古雲居最。為巴爾斯先鋒。襲宋康王于揚州。又追宋孟后。前行趨潭州。宋大兵在常武。古雲以選兵薄其城。敗千餘人。明日。城中兵出戰。古雲以五百騎敗之。獲馬二百匹。遂攻常武。巴爾斯以諸軍為大陣居後。古雲以五百騎當前行。

麾兵馳宋軍。宋軍亂。遂大敗之。其後河東郡縣多叛。古雲以先鋒克絳州。復攻沁州。飛砲擊其右脅。鼻歸營中。諸軍攻沁州三日。不能下。別將固納強起古雲。指麾士卒。克之。攝河東路都統。將三千餘騎。從左監軍伊喇伊都招西北諸部。平其九部。獲生口三千。馬牛羊十五萬。以先鋒破宋吳山軍。再戰再勝。復劔之于隘。宋兵遯去。宗弼再攻和尚原。古雲以本部破宋五萬人。奪新义口。時大雪。道路皆冰。宋兵勢重。不可徑取。宗弼用古雲策。入自傍近高山叢薄翳蒼間。出其不意。遂取和尚原。古

雲請速入大散關。自以本部為殿。以備伏兵。宗弼至仙人關。古雲先攻之。宗弼斂兵退。乃班師。古雲殿。且戰且却。遂達秦中。齊國初廢。命薩里罕撫治諸郡。至同州。故齊觀察使李世輔出迎。陽墜馬。稱折臂。鼻歸。薩里罕入城。世輔詐使通判獻甲。以壯士十人被甲上廳事。世輔自壁後突出。執薩里罕。古雲方索馬于外。變起倉卒。城已閉。不得入。至東門。遇哈達領騎三十餘。遂與斬門者而入。而世輔擁衆自西門出。古雲與哈達襲之。世輔慮救兵至。乃要薩里罕與之盟。使勿追。留薩里罕于道側。

古雲至。與騎而歸。除安遠大將軍。攝太原尹。四境咸治。兼攝河東南北兩路兵馬都總管。朝廷復取河南陝西地。師至耀州。宋人每旦出城。張旗閱隊。抵暮而還。道隘騎不得逞。古雲請兵五百。薄暮伏山谷間。先使五十人趨山巔。視敵出。舉幟為號。明日。城中人出閱如前。伏發。宋兵爭馳入城。古雲麾軍登城。拔宋幟。立金軍旗幟。宋軍後者望見。不敢入。遂降。城中人亦降。宋吳玠擁重兵據涇州。涇原以西多應之。元帥薩里罕欲退守京兆。俟河南河東軍。古雲曰。我退守。吳玠必取鳳翔京兆同華。

據潼關。吾屬危矣。不如速戰。薩里罕從之。吳玠兵自西
原來。古雲錫卜察擊其左右。自旦至午。吳玠左右軍少
退。薩里罕當其前衝擊之。大敗玠軍。僵尸枕藉。自此蜀
人喪氣。不敢復出。關陝遂定。歷行臺吏部工部侍郎。從
宗弼巡邊。遷刑部尚書。轉元帥左都監。天德二年。遷右
監軍。元帥府罷。改山西路統軍使。領西北西南兩路招
討兵馬。坐無功。降臨海軍節度使。歷平陽太原尹。正隆
末。為中都留守。兼西北都統。討契丹薩巴。駐軍歸化州。
世宗即位遼陽。使古雲姪阿爾法持詔往歸化。命古雲

為左副元帥。就遣使召陝西統軍圖克坦喀齊喀。宣大定
改元詔赦于西南西北招討司。河東河北山東諸路州
鎮。調明安軍屯京畿。古雲受詔。以元帥令下諸路。所至
皆聽命。大定元年十一月。古雲以軍至中都。駐兵通州。
見世宗于三河。詔古雲以便宜規措河南陝西山東邊
事。二年正月。至南京。遂復汝潁嵩等州縣。授世襲明安
入拜平章政事。罷為東京留守。未行。改濟南尹。初。古雲
恃功。在南京頗贖貨。不恤軍民。詔使問以邊事。古雲不
答。在相位。多自專。及除留守。益忿忿。雖近臣往。皆不見。

世宗怒。遂改濟南。尋改平陽尹。致仕。起為西京留守。母憂起復。俄復為東京。歷上京。十五年。致仕。會修太宗睿宗實錄。世宗以當時舊人親見者。惟古雲在。詔修撰。溫特赫提克德。往北京。就其家問之。多更定焉。尋卒。

瑪竒。尼楚赫母弟。年十五。隸軍中。從破高麗兵。下寧江州。平係遼女真。克黃龍府。皆身先力戰。以功為穆昆。繼領明安。破奚兵千餘。從烏楞古攻下咸信。瀋州。及東京諸城。先登皆有功。都統杲取中京。瑪竒與素赫和碩台別降。綽里特部。屯兵高州。以兵援蒙克貝勒。大破敵兵。

復敗恩州兵五萬人。討平遼人聚中京山谷者。降三千餘人。戰于高州境上。伏矢射之中目。遂卒。瑪竒大小三十餘戰。所至皆捷。皇統中。贈銀青光祿大夫。諡毅敏。子烏色。年十七。隸軍中。從巴爾斯擊遼將馬五。敗之。瑪竒死。領其職。宗望伐宋。至河上。宋兵屯河外。以二舟來伺我師。乃遣烏色率勇士。以一舟往迎。盡俘以還。從襲康王於江淮間。還駐東平。及廢齊。屯兵河北。招降附近諸營。多獲畜產。兵仗。軍帥嘉之。賞以甲馬。從攻陝西。為右翼都統。師還。以功正授穆昆。遷華州防禦使。屬關中歲

饑盜賊充斥。烏色募兵討平之。所部得以無事。郡人列狀丐留。不報。未幾。除德呼勒部族節度使。用廉入為都水使者。秩滿。同知燕京留守事。為西北路招討使。薩巴秩滿已數月。冒其俸祿。不即解去。烏色發其事。薩巴反。烏色遇害。

巴爾斯。尼楚赫弟。

按金史宗室表。尼楚赫列在巴爾斯之下。注云族子。巴爾斯本傳稱為尼

楚赫弟。所載互異。附識於此。

天輔六年。宗翰在北安州。將會舍音于

奚王嶺。遼兵奄至古北口。使博勒和。瑋楚各領兵二百擊之。瑋楚請濟師。宗翰欲自往。希尹羅索請以千人破

之。瑋楚前行。遇其遊兵。遂入山谷。遼人以步騎萬餘迫戰。瑋楚退據關口。希尹羅索至。巴爾斯烏木罕呼實罕摧鋒奮擊。大破之。盡獲甲冑輜重。羅索拒夏人。出陵野嶺。留巴爾斯據險守之。尼楚赫圍太原。近縣已降。宋軍來救者。復據太谷祁縣。巴爾斯阿古喇復取之。又敗宋姚古軍於隆州谷。擊走張灝兵。天會四年。克太原。巴爾斯為管勾太原府路兵馬事。復與羅索敗宋兵于文水。遂從宗翰圍汴。與尼楚赫略地襄鄧。克均唐蔡陳四州。及潁昌府。遂與托雲瑪武襲宋主于揚州。十五年。

按巴爾斯于尼楚赫或稱族子。或稱弟。本傳與宗室表互異。謹加案聲明。

遷元帥左都監薩里罕經略陝西。巴爾斯大破宋軍于渭州。渭州德順軍皆降。陝西平。遷元帥左監軍。加金吾衛上將軍。卒。諡敏定。

托克索。宗室子。納罕塞人。初隸萬戶實嘉努麾下。嘗領偏師。破雲中諸山寇盜。宗望攻平州。遣托克索討應州賊。平之。撫安其民而還。從宗翰伐宋。以八穆昆破石嶺關。屯兵數萬。祁縣降而復叛。托克索攻下之。進取文水縣。後從諸帥。列屯汾州之境。宋河東軍帥郝仲連。張思正。陝西軍帥張闢。索及其統制馬忠。合兵數萬來援。皆

敗之。宗翰南伐。至潞而還。留完顏尼楚赫總督諸軍。圍太原。宋援兵大至。托克索從瑪武。烏嚕破宋兵四千於文水。復與耿守忠合兵。破宋黃迪等三十萬衆於西都谷。獲馬及資糧甚衆。宋制置使姚古率兵至隆州谷。托克索與巴爾斯以步騎萬餘禦之。种師中兵十萬據榆次。尼楚赫使托克索與和尼等合兵八千。擊敗之。斬師中。復與巴爾斯擊破宋將張灝兵十萬於文水近郊。潞州復叛。宋兵號十七萬。固納托克索。巴爾斯皆被圍。托克索麾軍士下馬力戰。遂潰圍而出。宗翰再伐宋。命羅索

先率軍趨汴。羅索至澤州。托克索烏嚕以五百騎為前驅。往招河陽。先據黃河津。宋兵萬餘背水陣。進擊。敗之。遂降河陽。汴京平。諸將西趣陝津。畧定河東郡縣。托克索取憲州。遇其援軍。擊敗之。貝勒寧溫珠嚕等攻保德。未下。托克索進兵助擊。梯衝竝進。遂克其城。貝勒烏爾古攻石州。屢敗。亡其三將。軍士歿者數百人。托克索令諸軍去馬力戰。破之。天會六年。宗輔駐師鄧州。托克索瑪武巴爾斯西取均房。下其城。遂克唐蔡陳州及潁昌府。天眷初。除彰德軍節度使。三年。為元帥左監軍。皇統八年。

改濟南尹。天德間。封定國公。授世襲千戶。卒。正隆二年。贈應國公。

實圖美。本諸宗室。父和索哩改。贈銀青光祿大夫。實圖美年十五。事太宗。為左奉宸。皇統二年。充護衛。除武器署丞。累官肇州防禦使。大定初。除元帥右都監。與咸平尹烏哲庫率秦州兵。及海蘭路兵千五百人。會臨潢。尹伊蘓瑪勒討契丹。契丹犯臨潢。伊蘓瑪勒死。實圖美與推官麻珪等繕城固守。賊攻之。不能克。迺引衆東行。實圖美表乞濟師。會右副元帥默音以大軍至。實圖美改

哈斯罕節度使。隸右翼。與赫舍哩志寧敗賊於長樂。戰霧霖河。皆有功。改博索路兵馬都總管。卒。

承裕。本名和碩。頗讀孫吳書。以宗室子。充符寶祗候。除中都左警巡副使。通括戶籍。百姓稱其平。累遷東北路招討副使。以病免。起為西南招討副使。泰和六年。伐宋。遷陝西路統軍副使。俄改通遠軍節度使。陝西兵馬都統副使。與秦州防禦使完顏璘屯成紀界。宋吳曦兵五萬。由保岔姑蘇等谷襲秦州。承裕璘以騎兵千餘人擊走之。追奔四十里。凡六戰。宋兵大敗。斬首四千餘級。宋

吳曦使其將馮興、楊雄、李珪以步騎八千入赤谷。承裕璘及河州防禦使富察秉鉉逆擊破之。宋步兵保西山。騎兵走赤谷。承裕遣部將唐古安塔哈率騎二百馳擊宋步兵。追奔至皂郊城。斬二千餘級。明安巴恬努追宋騎兵。殺千餘人。斬楊雄、李珪於陣。馮興僅以身免。承裕進兵克成州。八年。罷兵。遷河南東路統軍使。兼知歸德府事。俄改知臨潢府事。大安初。召為御史中丞。三年。拜參知政事。與通吉思忠將兵戍邊。烏沙堡之敗。朝廷獨坐思忠。詔承裕主兵事。八月。元兵至野狐嶺。承裕不敢

按會河堡誤作會河川今據續通鑑及金史本紀改謹加崇聲明

拒戰。退至宣平縣中。土豪請以土兵為前鋒。以行省兵為聲援。承裕畏怯。不敢用。但問此去宣德間道而已。土豪嗤之。其夜承裕率兵南行。元兵踵擊。明日。至會河堡。按續通鑑金史本紀皆作會河堡。此處誤作會河川。謹改。遂大潰。承裕脫身走入宣德。元游兵入居庸關。中都戒嚴。識者謂金之亡。決於是役。衛紹王猶薄其罪。除名而已。崇慶元年。起為陝西安撫使。至寧元年。遷元帥右監軍。兼咸平府路兵馬都總管。與契丹埒克戰。敗績。改同判大睦親府事。遼東宣撫使。貞祐初。改臨海軍節度使。卒。

額爾克。內族也。時有兩額爾克。皆內族護衛出身。一曰草火額爾克。每得賊。好以草火燎之。一曰板子額爾克。嘗誤稱牙牌為板子者也。正大八年。兩額爾克守河中。元兵攻城。土山地穴百道竝進。我軍殊死鬪。力盡城陷。草額爾克被擒。尋殺之。板額爾克提敗卒三千。奪船走。元兵追及。鼓噪北岸上。矢石如雨。數里之外。有戰船橫截之。敗軍不得過。有賣火砲名震天雷者。連發之。砲火明。見北船軍無幾人。力斫橫船開。得至潼關。遂入閬鄉。尋有詔責額爾克不能死。車載入陝州。杖殺之。時論力竭而陷。非

戰之罪。人咸寬之。初額爾克奉旨於邠涇鳳翔往來防秋。其族孫奉御努爾監戰。動為所制。意頗不平。漸生猜隙。七年召努爾赴京。因譖額爾克畏怯。帝意頗罪額爾克。至是杖而死。

薩哈連。字安之。內族也。元光二年宣宗病篤。英王幫圖先入侍。哀宗夜至。薩哈連佩刀而侍。遂見親信。正大四年。元既滅西夏。進軍陝西。四月丙申。召薩哈連等同議西事。羣臣多主和。獨薩哈連力破和議。及元兵退。帝謂之曰。朝臣或欲我一戰。汝獨言當靜以待之。與朕意合。今日

有太平之望。皆汝謀也。未幾李大節陳規等言其諂佞。納賄。奏帖留中不報。明惠皇后嘗傳旨戒曰。汝詔事帝。帝之騎鞠。皆汝所教。帝頗悟。出為中京留守。九年元兵至洛。薩哈連疽發于背。忠孝軍擁之出奔。薩哈連不得已。從之才出南裏城門。城上軍覺。閉之甕城中。矢石亂下。薩哈連仰呼求救。軍士知出奔非其意。以繩引上。送入其宅。不敢出。三月丙戌。城破。薩哈連奪南門出。不得。投濠水死。

哈昭。一名永錫。貞祐中為元帥左監軍。失援中都。宣宗

削除官爵。杖之八十。已而復用。四年。以御史大夫權尚書右丞總兵陝西。留沔池數日。進及京兆。而元兵已至。哈昭竟不出戰。遂失潼關。有司以敵至不出兵。當斬。諸皇族百餘人上章言永錫才不勝任。而必用之。是朝廷之過也。國之枝葉已無幾矣。合詞救之。遂再奪爵。免死。除名。久之。起為參知政事。卒。永錫性好作詩。詞語鄙俚。因自草括粟榜文。有雀無翅兒不飛。蛇無頭兒不行等語。京城目之曰雀兒參政。哀宗用而不悟。卒致敗事。羅索三人皆內族。時以其名同。故各以長幼別之。正大

八年。慶善努棄京兆。適鷹揚都尉大羅索運軍器至白鹿原。遇元兵。與戰。兵刃既盡。以條繫掉金牌。力戰而死。九年正月。元兵至襄城。元帥中羅索。小羅索。遇於汝墳。兩羅索以正旦飲。將校皆醉。不能軍。遂敗。退走許州。天興二年正月。河朔軍潰。哀宗走歸德。中羅索為北面總帥。小羅索左翼元帥。收潰卒及將軍瓜爾佳玖實奔蔡州。蔡帥烏庫哩栲栳知其跋扈。不納。遂走息州。息帥舒穆魯玖珠納之。久之。漸生猜貳。誣玖珠反。按金史白華送虎符於玖珠。命為息州行帥。府事考本紀與華本傳皆無其事。今刪正。謹加案聲明。

珠為息州行帥。府事與二羅索並妬玖珠。欲誣以罪殺之。考本紀。天興元年正月。白華如鄧州。召兵。五月。與節

度使伊喇瑗俱七入宋華傳使人鎖之。六月赦至蔡栲所載亦同無至息事今刪正栲懼玖珠為所誅馳送詔書于息乃得免。及帝將幸蔡密召中羅索引兵來迓羅索遲疑久乃奉迎。七月召玖珠至與中羅索辨于帝前。時中羅索已授同簽樞密院事不欲使之終訟乃罷玖珠帥職。既而覘知宋人有窺息意以參政穆延烏登行省事於息州。中羅索以同簽樞密院事為總帥。小羅索以副點檢為元帥。王進為彈壓帥。瓜爾佳玖實為都尉。以忠孝馬軍二百步軍五百屬之。十一月宋軍二萬來攻城。城中食盡括粟并金帛衣物。城

中皆無聊矣。行省及諸帥日以歌酒為事。三年正月蔡凶問至諸帥殺之以滅口。乃使送款于宋。舉城南遷。宋人焚州樓櫓。州人老幼渡淮。元兵追及之。無有免者。且誅索行省已下官屬于宋。宋人令官屬入城託以犒賞。皆殺之。

續通志

宗室傳

金四

呼實默

和卓

布呼 福壽
以上系出始祖兄阿庫納

實圖美

子實實

思敬

忠

薩布

以上系出始祖弟博和哩

始祖兄弟三人。兄阿庫納之後。為呼實默和卓。弟博和哩之後。為實圖美。都古爾訥薩布。呼實默者。哈斯罕人也。父托卜嘉。事遼為太尉。呼實默善漢語。通契丹大小

字勇而善戰。高永昌據東京，招哈斯罕人。呼實默召其族人謀曰：「吾遠祖兄弟三人，同出高麗。大聖皇帝之祖入女真，吾祖留高麗，自高麗歸于遼，吾與皇帝皆三祖之後。皇帝受命即大位，遼之敗亡有徵，吾豈能為永昌之臣哉？」於是率其族屬部衆詣薩哈烏珍降，營于托輝山之下。永昌攻之，呼實默力戰不能敵，奔于薩哈。及攻開州，以糧餉給軍，後攻保州，擊敗遼將，降其士卒，賞賜甚厚。以為哈斯罕七部貝勒，給銀牌一，木牌三。天輔二年卒，贈監門衛上將軍，再贈驃騎衛上將軍。子果實嘗

從攻顯州，領四穆昆軍破魚梁務，功最。以其父所管十部為哈斯罕都貝勒。有和卓者，亦稱始祖兄苗裔，但不
知與呼實默相去幾從耳。

和卓，哈斯罕必勒哈水人，仕遼，領辰復二州漢人渤海子富色克襲父職。再遷靜江中正軍節度使。子額哩頁與呼實默同時歸朝，屢以糧餉助伐高永昌及高麗新羅。後從宗望伐宋，以功遷真定府路安撫使，兼曹州防禦使，佩金牌。授必勒哈水世襲明安。子布呼識，女真契丹大小字，善騎射。睿宗聞其才，召置麾下。從經畧山東。

河北陝西襲其父明安。授昭勇大將軍。海陵伐宋。以本
明安兵從。半道與南征萬戶完顏福壽等俱亡歸。謁世
宗于遼陽。世宗即位。除同知哈斯罕節度使事。刑部侍
郎色克為都統。布呼副之。坐擅署官吏。私用官中財物。
削兩階解職。未浹旬。世宗獻享山陵。克實鄂倫完顏璋
等謀反。欲因謁山陵舉事。鄂倫與布呼親舊。與之謀議。
後知事不可成。乃與克實璋執鄂倫等上變。克實不肯
以始謀盡首。遂并誅之。而賞布呼璋。除布呼濬州防禦
使。累遷順天軍節度使。致仕卒。

福壽。哈斯罕人。父和卓。國初來歸。授明安。天眷二年。福
壽襲父職。授定遠大將軍。累加金吾衛上將軍。海陵省
併明安。穆昆遂停封。海陵伐宋。福壽領羅索塔坦二明
安。由山東道進至泰安。福壽誘將校北還。高忠建盧萬
嘉努等亦各率眾萬餘。俱歸東京。欲共立世宗。至遼口。
世宗遣圖克坦思忠府吏張穆喇幹等來迎。察其去就。
思忠等見福壽。福壽等言正隆失道。不能保天下。我輩
欲推戴國公為主。以此來耳。諸軍皆東向拜呼萬歲。為
書以授思忠。於是督諸軍渡遼水。徑至東京城下。即諭

按緩追逆賊雖責在元帥默音而監軍福壽未得無罪本傳止稱其功而諱其過殊失事實今據赫舍哩志寧傳增輯謹加案聲明

軍士擐甲入衛宮城殺高存福等明日與諸將及東京吏民從博索路兵馬都總管完顏默音勸進世宗即位以福壽為元帥右監軍從默音討白彥敬于北京是冬世宗聞烏哲庫與幹罕戰不利命福壽等將兵進討已敗賊俘獲生口萬計既而與元帥默音貪鹵掠不急追勦賊得縱去按金史赫舍哩志寧傳言元帥默音右監軍福壽不急擊賊久無功以忠義代默音志寧代福壽蓋緩追逆賊雖責在元帥而監軍未得無罪本傳乃止稱其敗賊俘獲之功而諱其逗遛養寇之過殊失事實謹增輯乃以赫舍哩志寧代之召還授興平軍節度使復其世襲明安尋領濟州路諸軍事大定三年卒

實圖美世居扎蘭路為完顏部長父卓巴納始祖弟博和哩四世孫景祖時卓巴納使部人密遜來始復通宗系景祖留密遜歲餘善遇之及還以幣帛為贈久之扎蘭歲饑景祖與之馬牛為助糴費使世祖往致之會世祖有疾實圖美日夕不離左右世祖疾愈辭歸與握手為別約它日無相忘世祖襲位交好益深鄰部不悅合兵攻之實圖美使弟阿索美率二百人南下拒敵敵兵千人已出其東據高泉實圖美將五千人迎擊之敵將阿爾本者勇士也出挑戰實圖美射中其馬阿爾本反

射實圖美中腹。實圖美拔箭戰愈力。阿索美與勇士七人步戰殺阿爾本。諸部兵遂敗。實圖美因招諭諸部。使附於世祖。世祖嘉之。後伐烏春。烏木罕及通恩達薩塔等。皆以所部從戰有功。弟阿索美尋卒。及終喪大會其族。太祖率官屬往。就訪以伐遼之議。後以本部兵從擊高麗。及伐遼。功尤多。太祖西征。諸將皆從。實圖美乃率善射者三百人來衛京師。時太宗居守。喜其至。親出迎勞。繼聞黃龍府叛。與睿宗討平之。睿宗賜以奴婢五百人。師還。賞賚良渥。至是卒。實圖美體貌魁偉。勇敢善戰。

質直孝友。彊記辨捷。臨事果斷。正隆二年。封金源郡王。子實實思敬。

實實。康宗時。從烏色破高麗軍。太祖攻寧江州。實實摧鋒力戰。授明安。後從舍音克中京。襲遼主于鴛鴦濼。畧定山。敗夏將李良輔兵。與羅索獲遼帝于伊都谷。宗翰伐宋。與尼楚赫圍太原。明年。攻襄垣。下潞城。降西京。至汴。元帥府以懷孟北阻太行。南瀕河。控制險要。使實實統十二明安軍鎮撫之。於是殄平寇盜。招集流亡。四境以安。天會四年。薨。熙宗時。贈特進。大定間。謚威敏。世宗

按金史於實圖美傳稱其子實實思敬而本傳復稱思敬為希卜蘇弟甚屬訛誤今刪謹加案聲明

思太祖太宗創業艱難。求當時羣臣勲業最著者。圖像於衍慶宮。自遼王舍音而下。凡二十一人。實實與焉。初海陵罷諸路萬戶。置蘇伯路節度使。世宗時。近臣奏請改蘇伯為扎蘭節度使。帝曰。蘇伯。扎蘭。二水相距千里。節度使治蘇伯。不必改。實圖美親管明安子孫襲封者。可改為扎蘭明安。以示不忘其初。

思敬本名薩哈。

按金史實圖美傳未已稱子實實思敬而思敬本傳復稱實圖美之子。希卜蘇

弟實為訛誤。今據刪。

初名思恭。避顯宗諱。改焉。體貌雄偉。美鬚髯。純直有材幹。年十一。從父謁見太祖。詔從獵。射黃羊。獲

之。賜以從馬。從其兄實實攻太原。又從完顏和尼涉渡河。下洛陽。圍汴。皆有功。師還。隸遼王宗幹麾下。太宗幸東京溫湯。思敬權護衛。押衛卒百人。從行。領穆昆從征。珠格麟有功。遂充護衛。天眷二年。以捕宗磐宗雋功。擢顯武將軍。遷右衛將軍。襲扎蘭路萬戶。授世襲穆昆。皇統七年。入為工部尚書。遷吏部。天德初。為報諭宋國使。還拜尚書右丞。大定二年。封濟國公。無天德軍節度使。俄為西北路招討使。唐古布古岱副之。將本路兵二千。會布古岱視地形衝要。或于狗灤屯駐。伺契丹賊出沒之地。

置守禦。遠斥候。賊至則戰。不以晝夜為限。布薩忠義敗
斡罕於陷泉。詔思敬選新馬三千。備追襲。斡罕入于奚
中。思敬為元帥。右都監。以舊領軍入奚地。張格宅。會大
軍討之。敗偽節度特默音。獲二百餘人。賊降將碩和卓
與其黨錫勒塔執斡罕。并其母蘇尼。妻子弟姪家屬。及
金銀牌印。詣思敬降。思敬獻俘于京師。賞賚甚厚。拜右
副元帥。經畧南邊。駐山東。初。明安穆昆屯田山東。各隨
所受地主。散處州縣。世宗不欲明安穆昆與民戶雜處。
欲使相聚居之。遣戶部郎中完顏讓往元帥府議之。思

敬與山東路總管圖克坦克寧議曰。大軍方進伐宋。宜
以家屬權寓州縣。量留軍衆。以為備禦。俟邊事寧息。明
安穆昆各使聚居。則軍民俱便。還奏從之。其後遂以明
安穆昆自為保聚。其田土與民田犬牙相入者。互易之。
三年四月。召還京師。以為北京留守。七年。召為平章政
事。先是省併明安穆昆及海陵時無功授穆昆者。皆罷之。
失職者甚衆。思敬請量才用之。帝從其請。九年。拜樞密
使。上疏論五事。其一。女真人可依漢人。以文理選試。其
二。契丹人可分隸女真。明安。其三。鹽漶官可罷去。其四。

與明安同勾當副千戶官。亦可罷。其五親王府官屬以文資擬注。教以女真語言文字。皆從之。其後女真人試進士。瓜爾佳衛尼瑪哈鑑圖克坦鑑完顏匡輩。皆由此致宰相實思敬啓之也。久之。帝謂思敬曰。朕欲修熙宗實錄。卿嘗為侍從。必能記其事跡。對曰。熙宗時內外皆得人。風雨時年穀豐。盜賊息。百姓安。此其大概也。何必餘事。帝大悅。世宗喜立事。故其微諫如此。十三年。薨。帝輟朝親臨哭之。慟。賻贈加厚。孫烏呼肯扎塔。大定二十四年。除明威將軍。授蘇伯路寶鄰山明安。

忠。本名都古爾訥。字鄂斯歡。實圖美之弟。太祖器重之。將舉兵伐遼而未決也。因與都古爾訥計事。宗翰宗幹完顏希尹皆從。都古爾訥曰。以主公按金史本紀。此時太祖尚為達貝勒。

並無王號。考陳壽三國志法正傳。主公之在公安也。又主公始創大業云云。據此。則主公之稱古已有之。此處訛作王公。謹改。英武士衆樂為用。遼帝荒于畋獵。政令無常。易

與也。太祖然之。明年伐遼。都古爾訥以兵會。收國元年。與尼楚赫守達嚕噶路。二年。與幹魯芬徹會烏楞古討高永昌。破其兵。東京降。遂與烏楞古等敗耶律聶呼于蒺藜山。天輔二年。與羅索俱入見。太祖曰。遼主近在東京。

按太祖此時尚為達貝勒並無王號本傳原文稱王公或係主公之訛今考三國志法正傳據改謹加案聲明

而敢輒來。各杖之三十。命取奉聖州。破其兵五千于雞
鳴山。奉聖州降。太祖入燕京。都古爾訥出德勝口。代實
圖美為扎蘭路達貝勒。三年。以扎蘭地薄斥鹵。遷其部
於蘇伯水。益以珠蘇爾之田。熙宗即位。加太子太師。天
會十四年。加保大軍節度使。同中書門下平章事。薨。天
德二年。配饗太祖廟庭。大定二年。追封金源郡王。

薩布。始祖弟博和哩之後。狀貌魁偉。沉厚有大畧。初補
親衛軍。章宗時。選充護衛。累官殿前左副都點檢。泰和
六年。從平章布薩揆伐宋。宋將皇甫斌率步騎數萬。由

確山褒信分路侵蔡。聞郭倬李爽之敗。阻溱水不敢進。
於是揆遣薩布及副統尚慶局使布希萬努。深州刺史
完顏達希布等。以騎七千往擊之。會溱水漲。宋兵扼橋
以拒。薩布等謀潛師夜出。達希布以騎涉水出其右。萬
努出其左。薩布率精兵直趨橋。宋兵大潰。還進爵一級。
遷知臨洮府事。改知鳳翔。夏人來寇。屢擊走之。興定初。
以宋歲幣不至。復侵盜。詔薩布討之。破宋人於信陽隴
山等處。斬獲甚衆。四年。奉詔出兵河北。招降晉安。時河
北義軍官民堅守堡寨。力戰破敵者衆。上章言此類忠

按河中府屢下屢復功不止一人故本紀不書而散見于各傳謹加案聲明

赤可嘉。不旌酬。無以激人心。乞量加官賞。從之。遷樞密副使。五年。奉詔引兵救河東。戰屢捷。復晉安。平陽。元光

二年。又復河中。

按本紀元光二年正月。元兵下河中府。權元帥侯孝順復之。元兵復下河中府。

五月復河中府。未書何人。考哈達傳。元光二年。河中已破。哈達提兵復之。本傳又載薩布復河中府。大約此時河中。之復。功不止一人。故本紀不書。而散見于各傳也。正大元年。拜平章政事。未

幾。轉尚書右丞相。三年。宣宗廟成。將禘祭。議配享功臣。論者紛紜。薩布因言丞相福興死王事。齊錦謹守河南。以迎大駕。功宜配享。議遂定。吏部郎中楊居仁上封事。言宰相宜擇人。帝語大臣相府非人。御史諫官當言。彼

吏曹何與。左丞延扎舒魯素嫉居仁。亦以為僭。薩布徐進曰。天下有道。庶人猶得獻言。况在郎官。使其言可用。則行之不可用。不必示臣下也。帝是之。平章侯摯樸直無蘊藉。天興元年。兵事急。都堂會議。摯以國勢不支。因論數事曰。只是更無擘劃。博索怒曰。平章出此言。國家何望耶。薩布顧謂博索曰。侯相言甚當。博索遂含憤而罷。未幾。拜為左丞相。尋致仕。哀宗遷歸德。起復為右丞相。封壽國公。扈從。詔行尚書省事於徐州。元帥郭恩密與河北叛將郭野驢輩謀歸國用安。薩布病疽。重為賊

黨所制。時蔡已被圍。將士以朝命阻絕。且逼。元兵議出降。薩布不從。投河求死。不沒。軍士援出之。自縊於州第。

